



Parlamentarna skupština BiH  
n/r predsjedavajućeg Zajedničke komisije za ljudska prava  
gđin. Borislav Bojić

// ukupno 3 stranice //

Sarajevo, 27. maj 2015.

**PREDMET: Prijedlog za održavanje dvije tematske sjednice  
Zajedničke komisije za ljudska prava**

Poštovani,

zadovoljstvo nam je obratiti Vam se u ime organizacija civilnog društva, okupljenih u okviru *Inicijative za monitoring evropskih integracija Bosne i Hercegovine*. Inicijativa za monitoring evropskih integracija Bosne i Hercegovine je neformalna koalicija trideset organizacija civilnog društva, iz cijele Bosne i Hercegovine, koja doprinosi praćenju i provođenju reformi u BiH, te nadgleda primjenu politika, prava i standarda Evropske unije u BiH.

Sa velikom pažnjom i interesovanjem pratimo trenutne razvoje koji se odnose na:

- imenovanje nova tri ombudsmana za ljudska prava,
- izmjenu Zakona o ombudsmanu za ljudska prava BiH,
- usklađivanje Zakona o zabrani diskriminacije BiH sa evropskim pravnim standarima kao i
- izradu Strategije za suzbijanje i prevenciju diskriminacije.

Prvi proces se ovdje u Parlamentarnoj skupštini BiH, dok se zadnja tri, kao što sigurno znate, trenutno pripremaju u Ministarstvu za ljudska prava i izbjeglice BiH i ista se nalaze u programu rada Ministarstva te je planirano da na jesen budu upućena u parlamentarnu proceduru.

Imajući na umu značaj Institucije ombudsmena kao i Zakona o zabrani diskriminacije BiH, predlažemo da se **početkom jula, a sve u skladu sa Vašim obavezama, održe dvije tematske sjednice Zajedničke komisije za ljudska prava**. Smatramo da je izuzetno bitno da se Zajedničke komisije za ljudska prava uključi u aktuelne procese predvođeni od strane Ministarstva za ljudska prava i izbjeglice. Ukoliko se složite, mi bi smo iznijeli dva prijedloga podložna Vašim sugestijama.

////////////////////////////////////  
*Inicijativa za monitoring evropskih integracija Bosne i Hercegovine je neformalna koalicija trideset organizacija civilnog društva koja doprinosi praćenju reformi i nadgleda primjenu politika, prava i standarda Evropske unije, fokusirajući se na pitanja demokratizacije, vladavine prava, te ljudskih i manjinskih prava. Saznajte više o Inicijativi na: <http://eu-monitoring.ba/o-inicijativi/>*

kontakt osoba/koordinatorica Inicijative: Inela Hadžić, [info@eu-monitoring.ba](mailto:info@eu-monitoring.ba)  
tel 033/551000, fax 033/551002, [www.eu-monitoring.ba](http://www.eu-monitoring.ba)

Inicijativa za monitoring  
evropskih integracija Bosne i Hercegovine

**Prvi prijedlog:**

**Tematska sjednica Zajedničke komisije za ljudska prava o unapređenju položaja Institucije ombudsmana za ljudska prava BiH u društvenom i pravnom sistemu BiH**

*Cilj sjednice:*

- uključivanje Zajedničke komisije za ljudska prava u već započeti proces izmjena i dopuna Zakona o ombudsmanu za ljudska prava BiH,
- informisanje svih zainteresovanih strana o prioritetima te zajedničkim interesima (parlament, vlada, niži nivoi vlasti, civilno društvo)

*Format:*

Sjednicu bi otvorili predstavnici/e zajedničke komisije, a na istoj bi mogli govoriti

- jedan od tri ombudsmana, predstavljajući trenutno stanje i izazove institucije,
- predstavnik/ca Ministarstva za ljudska prava i izbjeglice BiH, predstavljajući mjere koje ministarstvo poduzima, kada je u pitanju izrada nacrtu novog Zakona o ombudsmanu za ljudska prava BiH,
- predstavnik/ca Razvojnog programa Ujedinjenih nacija (UNDP), umajući na umu da je UNDP izradio studiju o položaju Institucije ombudsmana, koja sadrži i konkretne prijedloge za unapređenje,
- predstavnik/ica Inicijative za monitoring evropski integracija BiH, koja bi, kao osoba iz civilnog društva, predstavila prijedloge i zapažanja civilnog društva.

Članovi i članice Zajedničke komisije za ljudska prava bi na osnovu ove sjednice mogli donijeti konkretne zaključke, te se aktivno uključiti u proces, prije nego što Ministarstvo za ljudska prava i izbjeglice BiH na jesen uputi nacrt Zakona o ombudsmanu za ljudska prava BiH.

**Drugi prijedlog:**

**Tematska sjednica Zajedničke komisije za ljudska prava o mehanizmima suzbijanja diskriminacije**

*Cilj sjednice:*

- rano uključivanje Zajedničke komisije za ljudska prava u proces izmjena i dopuna Zakona o zabrane diskriminacije BiH i izradu Strategije za suzbijanje i prevenciju diskriminacije BiH,
- informisanje svih zainteresovanih strana (parlament, vlada, niži nivoi vlasti, civilno društvo) o prijedlozima izmjene Zakona kao i usvajanja Strategije koje je u nadležnosti Ministarstva za ljudska prava i izbjeglice

////////////////////////////////////  
Inicijativa za monitoring evropskih integracija Bosne i Hercegovine je neformalna koalicija trideset organizacija civilnog društva koja doprinosi praćenju reformi i nadgleda primjenu politika, prava i standarda Evropske unije, fokusirajući se na pitanja demokratizacije, vladavine prava, te ljudskih i manjinskih prava. Saznajte više o Inicijativi na: <http://eu-monitoring.ba/o-inicijativi/>

kontakt osoba/koordinatorica Inicijative: Inela Hadžić, [info@eu-monitoring.ba](mailto:info@eu-monitoring.ba)  
tel 033/551000, fax 033/551002, [www.eu-monitoring.ba](http://www.eu-monitoring.ba)

## Inicijativa za monitoring evropskih integracija Bosne i Hercegovine

*Format:*

Sjednicu bi otvorili predstavnici/e zajedničke komisije, a na istoj bi mogli govoriti

- jedan od tri ombudsmana ili šef odjela za eliminaciju svih oblika diskriminacije pri Instituciji, predstavljajući trenutno stanje i izazove institucije kada je u pitanju suzbijanje diskriminacije,
- predstavnik/ca Ministarstva za ljudska prava i izbjeglice BiH, predstavljajući mjere koje ministarstvo poduzima, kada su u pitanju izmjena Zakona o zabrani diskriminacije BiH i izrada Strategije za suzbijanje i prevenciju diskriminacije BiH,
- dr. Goran Selanec, zamjenik pravobraniteljice za ravnopravnost spolova Republike Hrvatske, koji je autor studije "Uskladjivanje Zakona o zabrani diskriminacije BiH sa pravnom stečevinom EU", koja sadrži konkretne proporeke za izmjenu Zakona
- Fedra Idžaković, direktorica nevladine organizacije Prava za sve, koja bi mogla iznijeti konkretne prijedloge za izmjenu i dopunu Zakona,
- predstavnik/ca Kancelarije za ljudska i manjinska prava Vlade Republike Srbije, koji/a bi mogao iznijeti iskustva Srbije u vezi sa izradom, usvajanjem i provedbom Strategije za eliminaciju svih oblika diskriminacije

Članovi i članice Zajedničke komisije bi na osnovu ove sjednice mogli donijeti konkretne zaključke, te se aktivno uključiti u proces, prije nego što Ministarstvo za ljudska prava i izbjeglice BiH na jesen uputi nacrt zakona o izmjenama i dopunama Zakona o suzbijanju diskriminacije BiH, te krene u izradu Strategije za suzbijanje i prevenciju diskriminacije BiH. Izmjena Zakona o zabrani diskriminacije BiH i usklađivanje istog sa pravnom stečevinom EU je obaveza BiH od 2013. godine te se ovaj proces mora provesti što bolje, otvorenije i uspješnije.

Troškove održavanja (prevod, troškove za dolazak stranih gostiju iz Hrvatske i Srbije) ove dvije tematske sjednice možemo podržati kroz sredstva Fondacije Heinrich Boell, njemačke fondacije koja podržava rad Inicijative za monitoring evropskih integracija BiH u protekle dvije godine. Inicijativa za monitoring evropskih integracija BiH može takođe biti i ko-organizator ove dvije sjednice. Stavljamo Vam svoju ekspertizu i tehničke kapacitete na raspolaganje.

Radujemo se Vašem odgovoru i sugestijama!

S poštovanjem,

Inela Hadžić

koordinatorka Inicijative za monitoring evropskih integracija BiH

Dopis je upućen i:

Delegacija Evropske unije u BiH, Vijeće Evrope, ured u BiH; Misija OSCE-a u Bosni i Hercegovini; UNDP u BiH, Ambasada SAD u BiH

Inicijativa za monitoring evropskih integracija Bosne i Hercegovine je neformalna koalicija trideset organizacija civilnog društva koja doprinosi praćenju reformi i nadgleda primjenu politika, prava i standarda Evropske unije, fokusirajući se na pitanja demokratizacije, vladavine prava, te ljudskih i manjinskih prava. Saznajte više o Inicijativi na: <http://eu-monitoring.ba/o-inicijativi/>

kontakt osoba/koordinatorka Inicijative: Inela Hadžić, [info@eu-monitoring.ba](mailto:info@eu-monitoring.ba)  
tel 033/551000, fax 033/551002, [www.eu-monitoring.ba](http://www.eu-monitoring.ba)